



حظه ..!!

كنت فاكراً لما اقابلك مره ثانيه مش هنتلقى
يوم لقانا غير كلام
كل واحد فينا عاش في البعد دنيا واللى
كان ما بينا تاه وسط الزحام
واتقابلنا مره صدفه ايوه كانت احلى صدفه
شفت عيني بتجري وبتحضن عنيكى د
ق قلبى بينتفض من شوقه ليكى
لحظه فيها حقيقى عشت ايوه بعدك كنت مت
كنت تايه وسط غابه ولطريق النور رجعت
افتكرنا ساعتها قلت وقلتي ايه
كنتى حلمى وكنت حلم حلمتى بيه
كنا حضن الحب وشفايفه وعنيه كنا ماضى
جميل فضلنا نعيش عليه





يومها قلنا كلام كثير من غير كلام وف قلوبنا ا
لحب مارد نام وقام
قام ياخذنا للى فات قام يصحى الذكريات
الايدى اتشكت غنى القمر والطيور اتبسمت فوق الشجر
والزمان مبقاش زمان اتملى حب وحنان
يومها مكنش مبينا عتاب حكم البعد ماكنش بأيدينا
عشنا احباب وبعدنا احباب والايام حكمت ببعدنا
حته منى ولسه منى والزمان خانك وخننى
وف لحظه وسط الاحلام رجعت احزان الايام
الفراق خبط على شبكة ايدى وشبكتك
قالى ليك سكه وليكى سكتك
سكة الماضى اللى راح من عمرنا
واللى عاشها كل واحد منا
شفت الدمع ف عنيكى شوفتى الحزن ف عنيا
مش عايز اسيب اديكى اللى بتحضن ايدى
وافترقنا مره تانيه زى ما ف لحظه التقينا
كل واحد راح لدنيا بس عاش الحب فينا

